



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs LXXXVIII. Domine Deus salutis meæ, in die &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

PSALMVS LXXXVIII.

Domine Deus salutis meæ, in die &c.

Qui, Deus, es nostra spes una & vera salutis,
Has ad te fundo nocte dieq; preces.

Ad querulos gemitus aures conuerte benignas,
Ad te perueniant hæc mea vota, Deus.

Namq; anima ærumnis grauibus compressa tene-
Vitaq; lethais proxima fertur aquis. (tur,

Comparor his, stygiū quorum descensus ad Orcum,
Indigus humani sum miser auxilii.

Inter & occisos iaceo, fero ab hoste relictos,
Atq; cadauera, qua mœsta sepulcra manent.

Quorum non memor es, quorum tibi notio nulla,
Exclusi manibus, turba aliena, tuis.

In foueam cæcam multa caligine plenam
Proiecto, ad superos non datur ire locos.

Me premit ira grauis tua, me furor anxio urget,
Horrissonis mergor fluctibus, imapeto.

Me quondam chari nunc auersantur amici,
Opprobrium his factum, qui coluere prius.

Detineor vinclis in cæco carcere clausus,
Non est inuentus, qui ferat, ullus, opem.

Z

Tabida

*Tabida consumpta est facies, mœrore grauate,
 Attamen expansis inuoco te manibus.
 Num tua conspicient miracula, lumine cassi?
 Num rediuiua cohors carmina grata canent?
 Num tua funereis referent benefacta sepulcris
 Atq; fidem, miseris qui periere modis?
 An tua Cymmeriis patefient facta tenebris?
 Iusticia in vacuo qua queat esse loco?
 At tibi confido, Domine, & tua numina adoro:
 Et tu manè meas percipis aure preces.
 Cur, Deus, hanc animã vultu minitante repellis?
 Cur faciem abscondis, quaeso, salutiferam?
 Mœstus, inops, exul, meq; affligente repulsa,
 Attonitus, vultus iam iaceo ante tuos.
 Terrificusq; tuus furor opprimit anxia corda,
 Horrificus terror saucia membra premit.
 Flumine ceu rapido me mergit perfidus hostis,
 Vndiq; circumdans retibus atq; plagis.
 Sanguine coniuncti, vicini, noti & amici
 Fletibus offensi retrò abiere meis.*

PSALMVS LXXXIX.

Misericordias Domini, in æternum &c.

abideT

Quanta